

बालाजी मेरी राम प्रभु तं,
एक मीटिंग करवा दे न,
तेरे भवन के सयामी रहते,
सिर प हाथ धरा दे न ॥

सबरी की ज्युं व्याकुल सुँ,
देखुं राम दरबार मैं-2,
लखन लाल और मात सीया का,
चाँहु सुँ दीदार मैं,
जन्म जन्म के बंधन कटज्यां,
मुक्ति मन्नै दिवादे न,
तेरे भवन के सयामी रहते,
सिर प हाथ धरा दे न ॥

राम नाम की मस्ती चढ़ रही,
चित्रकुट तक घुम आया-2,
एक छोटी सी आश जगा क,
मन मेरा मेंहदीपुर लाया,
जब मानु हनुमान तन्नै,
सेवक की पीड़ मिटा दे न,
तेरे भवन के सयामी रहते,
सिर प हाथ धरा दे न ॥

मन में भाव लगन और श्रद्धा,

देख मेरा हो सादापन-2,
सीताराम राम मेरे आवं,
याहे रहती मेरः लगन,
टुटे ना विस्वास अटल,
चरणां बीच जगाह दे न,
तेरे भवन के सयामी रहते,
सिर प हाथ धरा दे न ॥

अशोक भक्त ने सोच लेयी स,
हरिभजन बिन के जीणा-2,
सीया राम की भक्ति करणी,
बाबा राम रस यो पीणा,
राजपाल दुख पा ज्यागा,
मन का भ्रम मिटादे न,
तेरे भवन के सयामी रहते,
सिर प हाथ धरा दे न ॥

बालाजी मेरी राम प्रभु तं,
एक मीटिंग करवा दे न,
तेरे भवन के सयामी रहते,
सिर प हाथ धरा दे न ॥

गायक नरेंद्र कौशिक जी ।
प्रेषक राकेश कुमार खरक जाटान,
9992976579

Source:

<https://www.bharattemples.com/balaji-meri-ram-parbhu-te-ek-meeting-karvade-na>

/



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>